

Mantbraca a haya un boet pa dia pa motibo di no keda cla na tempo

ORANJESTAD - E trabounan den Caya Grandi ta avansando y e Director Interino di Dienst Openbare Werken (DOW) Sr. Marlon Croes a confirma BON DIA ARUBA cu tur e materialnan pa e fonteinnan a yega. Awo ta sigui e trabounan di instalacion, cual Mantbraca a cuminsa haci.

A HAYA BOET PA DIA

E boet cu nan a haya, segun Sr. Croes nan a purba di mantene suave pasobra nan no kier manda e compania failliet tampoco. Mantbraca a wordo cobra e costo directo di nan hende, cual a wordo haci a base di conseheronan cu tin contrata. E Director Interino ta sigui bisa BON DIA ARUBA, entre 31 di

juli te cu 6 di september nan ta cobrando un boet un hopi mas halto, cual ta un pro mil di e suma cu e trabou ta y ta pa dia.

A COMBERSA DIFERENTE BIAHA

Na diferente ocasion DOW a combersa cu e compania Mantbraca, y un di e puntonan tabata pa wak ki dia nan lo keda cla cu e proyecto di Caya Grandi. Nan a priminti y a bisa di keda cla pa e fecha di 30 di juli, pero esaki no a sosode. Prome cu e fecha di 31 juli Mantbraca a bisa pa dia 4 di juni nan lo a keda cla pero esaki tampoco a wordo alcanza. Como cu Mantbraca no a keda cla riba e fecha stipula, nan a haya boet for di e comision di no a cumpli cu

e tempo stipula.

15 OCTOBER CAYA GRANDI MESTER TA CLA

E intencion di e plan nobo cu a wordo palabra cu Mantbraca dos pa tres siman atras ta cu, nan lo keda cla ta cu e klinker, luz y matanan den Caya pa dia 6 di september cu ta mañan, segun Sr. Croes. Ya caba Mantbraca ta trahando riba e instalacionnan di fontein, y tecnicamente esaki lo finalisa dia 29 di september. Loke lo keda pa finalisa ta e klinker nan rond di e fonteinnan, e ta sigui bisa.

“Pa dia 15 di october, nos mester sali cu Caya Grandi lo ta completamente cla,” Sr. Croes ta bisa BON DIA ARUBA. □



Director Interino di DOW Sr. Marlon Croes.